



Universitätsbibliothek Paderborn

Œcumenica Cathedræ Apostolicæ Avthoritas

Reding, Augustin

[Ort nicht ermittelt], Anno M.DC.LXXXIX.

§. III. Adversariorum argumenta ex sacrosanctæ Scripturæ verbis petita referuntur cum responsionibus, & aliquali super ijs reflexione.

urn:nbn:de:hbz:466:1-38717

Petrus, & super hanc petram edificabo Ecclesiam meam. & porta inferi non prævalebunt adversus eam, manifeste declaratur, cum, ejusque successorem Romanum Pontificem, ita se habere ad reliquorum fidelium cœtum, sicut fundamenta ad ædificium. Atque ratione, & experientia compertissimum est, firmitatem ædificij a fundamento, non autem fundamenti ab ædificio pendere. In eundem ergo modum firmitas in Fide, ac Religione, non à reliquis fidelibus in Summum Pontificem, sed a Summo Pontifice in reliquos fideles provenit.

9. Petro date sunt claves Regni Cœlorum, & eorū ipsum Apostolorum Collegio, non autem primò Apostolorum Collegio, ac per illud, seu in illo, B. Petro. Prosequitur enim Christus loco citato: Et tibi dabo claves Regni Cœlorum, & quodcumque ligaveris super terram, erit ligatum & in celis, & quodcumque solveris super terram, erit solutum & in celis. Certum est autem, per claves potestatē significari.

10. Tertiò, Episcopi etiam congregati non desinunt esse fratres successoris Petri; ergo ab eo debent confirmari; pro ipso enim Christus oravit, ne deficeret Fides ejus, ut posset deficientes, aut titubantes suffulcire: quod in Petri, & aliorum Apostolorum successoribus potius locum haber, quam inter ipsosmet Apostolos. Nam post adventum Spiritus sancti Apostoli omnes fuerunt in gratia confirmati, ut B. Petri confirmatione non ita indigerent. Antea vero non legimus, B. Petrum tantum suos fratres juvare, ut necessarium eis fuerit inefficientis illius fidei præsidium.

Quarid, dum Christus Ioan. ult. oves suas pacendas Petro, & in ejus persona Romanis Pontificibus, tradidit, apterè significavit, Summum Pontificem esse Pastorem, reliquos autem fideles gregem. Quis autem gregi Pastorem præponendum dubitet? Num monstruosa fore ordinis perturbatio, si pastor à grege, non grex à pastore regeretur? Nec responderi potest, intelligenda illa esse de oib⁹ leo sim luptis, non autem de toto grege. Nam nullum est in Christi verbis hujus distinctionis vestigium. Nihil excipitur, ubi distinguitur nihil.

11. Ex collatione illorum Scripturarē sacrae locorum perspicitur, clarius expressam esse Petri, quam aliorum sine ipso, autoritatem. Sed aliqui Scriptores Gallicani Catholici contendunt, prærogativas illas B. Petru das esse tanquam Ecclesiam representant, atque adeò toti Ecclesiæ in ipso; ipsum quidem, ejusque successores singulis membris præminere tanquam Caput, non autem toti Ecclesiæ formaliter acceptas, vel per Concilium representatas. Videndum igitur est, quam personam gesserit Petrus, cum ei Christus autoritatem contulit locis Scripturarē supra relatis expressam; & utrum ad singulos fideles tantum referatur, non ad omnes simul? Et adhuc an descendenter ad Romanos Pontifices? Id enim Hæretici negant omnino, & aliqui Catholici, ex parte.

Verum ultra progressuri, conabimur in hac disquisitione ostendere, quod ex sacris Litteris haud probetur Concilij supra Papam superioritas, sed econtra Papæ supra Concilium, quæ acephalum authoritas.

S. III.

Adversariorum argumenta ex sacrosancta Scripturae verbis petita, referruntur cum responsionibus, & aliquali super ihs reflexione.

ARGUMENTUM I.
Adversariorum.

Forma posteriorum Conciliorum Oecumenicorum petenda est ex norma Concilij Hierosolymitani Act. 15. à versu 6. descripti. Ubi pater ex versu 7. & 18. Jacobum Apostolum, postquam Prophetica, ad disquisitionis tunc de Legalibus proposita decisionem facientia, adduxisse oracula, postmodum versi 19. & 20. definitivam & judicariā protulisse sententiam: Propter quod, inquiens, ego judico, non inquietari eos, qui ex Gentibus convertuntur ad Deum, sed scribere ad eos, ut abstineant se à contaminationibus simulacrorum, & fornicatione, & suffocatis, & sanguine. In quam proinde Jacobi sententiam versu 23. sribentes Apostoli & seniores fratres, talem efformarunt epistolam Synodalem: Vism est Spiritui sancto, & nobis, nihil ultra imponere vobis oneris, quam haec necessaria, ut abstineatis vos ab immolatis simulacrorum, & sanguine & suffocato, & fornicatione. Neque igitur in definitivâ Concilij sententiâ, neque in hac Synodali epistola videtur ulla fuisse habita ratio Petri præminentia, quod merito faciendum fuisset, si Petro convenisset aliqua supra Concilium superioritas.

Responso.

Author Regalis Sacerdotij cit. lib. 2. §. 15. n. 15. ad posteriorem illius argumenti partem respondet; hunc esse morem & stylum, etiam quando Summus Pontifex cum supremâ præst potestate, ut nomine Concilij decreta expediantur, quod patere, omnia Concilia, etiam ultimum Tridentinum legenti, nec propterea excludi authoritatem Pontificiam, quæ primas in Concilio partes agit; sicut cùm dicimus: Petrus scribit, quamvis de Capite nihil dicatur, non tamen hujus influxus excluditur, sed semper velut necessarius & principialis subintelligitur. Imò in illo ipso Conventu Apostolico, ubi omnes à Spiritu sancto gubernabantur, nec errori patebant, multa Petrum Primaū sui argumenta reliquisse, dum primus sententiam dicit, dum, quid definiri debeat, præscribit, dum calentem prius disputationem, & vota discordantia cōponit: quæ omnia eum locum legenti patere.

Reflexio.

Ex illo Concilio Hierosolymitano mirifice 16. elucet, quam diversa sit conditio Petri, ac eoque

eoque Summi Pontificis extra Concilium ex sua privatâ sententiâ procedentis, vel in Concilio autoritativam proferentis sententiam. Petrus antehac Gentilibus ad fidem conversis in favorem illorum, qui ex Judaismo Christi religionē amplexi fuerant, Veteris Testamenti Legalia aliqua obtrudebat, reprehensus proinde à Paulo; uti 2. ad Galatas cap. haberetur. At in Synodo illâ Apostolica proferentis sententiam ex Divinis Oraculis ita pronunciabat: *Viri fratres, vos scitis, quoniam ab antiquis diebus Deus in nobis elegit, per os meum audire Gentes verbum Evangelij, & credere. Et qui novit Deus, testimonium perhibuit, dans illis Spiritum sanctum, sicut & nobis.* Et nihil discribit inter nos & illos, fide purificans corda eorum. Nunc ergo, quid tentatis Deum, imponere jugum super cervices discipulorum, quod neque Patres nostri, neque nos portare possumus? Sed per gratiam Domini nostri Iesu Christi credimus salvati, quemadmodum & illi. In quo sacro textu occurrit notatum dignum, quod Petrus in Concilio praeferre volens autoritatem unita personae propriam, dixerit in singulari: *Quoniam ab antiquis diebus Deus in nobis elegit, per os meum audire Gentes verbum Evangelij, & credere.* Ex quibus sane verbis inferratur, autoritatem credibilitatis specialem substituisse ex ore Petri in Concilio loquentis verbum Evangelij, ac eatenus declarantis, seu definitivis, ut exinde praeferretur ratio autoritativæ credibilitatis. At ex hoc jam elucet Petri in fidei dogmatibus decidendis præ ceteris Apostolis præminentia ac primatus, sub illâ ipsâ definitivâ Conciliari sententiâ, singularis autoritatis proferens characterem.

17. Unum observatione dignum est, quod, ubi Petrus protulit illam sententiam, subdatur veru 12. Tacuisse omnem multitudinem Concilio adstantem. Quæ taciturnitas tomo 1. Conciliari, circa tertiam Apostolorum Synodum dicitur æquiperari consenuit. Quem proinde consensus sublecta est promulgatio Decreti Synodalnis facta per Iacobum Apostolum, de quo ex verbis supra n. 14. adductis conitar, judicasse, ut scriberetur Fratribus Antiochiae constitutis, ne ex Legalium observantiâ inquietarentur iij, qui ex Gentibus ad Deum essent conversi. Ipsissima enim hujus à Iacobo prolati judicij verba significant, non tam definitivum, quam executivum decretum: sicque adeo Synodalnis ad Antiochenos epistola hunc in modum est formata: *Visum est Spiritus sancto, & nobis, nihil ultra imponere vobis oneris, quan hac necessaria &c.* Quare hinc patet, Petrum proferendo suam sententiam, fuisse quidem ulla sua propriâ authoritate, quâ sibi singulariter competenter illa prærogativa, secundum quam fuerat à Deo electus, ut per os suum audirent Gentes verbum Evangelij, & crederent: attamen in finali decreti Conciliariis conclusione conjunxit consensum suum, cum reliquis Apostolis ac Senoribus Concilij ejusdem Assessoribus, ut si servaretur forma Oecumenica Synodi per Christum Matthæi 18. constituta, secundum quam Duo, Caput scilicet cum reliquis hierarchicis Ecclesiæ membris, oportet, contentire, quod omnimoda sanctiōis dogmaticæ infallibili-

bilitas subsistat. Ethinc sub hoc Capitis, una & reliqui Ecclesiæ Hierarchie Corporis sensu, subsistere equidem quandam infallibilis eminentiorem majoritatem, non vero stridam Concilij super Papa superioritatem, seu jurisdictionem, constat ex dictis præced. Disquis.

ARGUMENTUM II.

Adversariorum.

E Tenim Ab. 20. Paulus sic alloquebatur Episcopos: Attendite vobis, & universo gregi, in quo vos Spiritus sanctus posuit Episcopos regere Ecclesiam Dei. Quibus sane verbis Apostolus agnoscit in Episcopis jurisdictionem super universo Christi grege protentam, quod procedit de Episcopis latente collectivè sumptis, atque aed. quæ aggregatis in Concilio præsentim Generali. Et hinc concludit Paulus, Episcopos esse à Spiritu sancto positos ad regendam Ecclesiam indefinite, aedique universaliter acceptam. Quare intrâ authoritatis Episcopalis saltem ex universi Christiani orbis Hierarchis in Synodo Generali aggregatis in unum collatæ spham continentur etiam ratio Boni publici ad Ecclesiam universalem spectantis. Sicut autem ex hoc, quod Pontificia authoritas tota quanta mensurari debet ex ratione Boni publici, Ecclesiæ universalis proprii, atque aed Pontificis Summi cura pastoralis obstringitur ad observandum publicum Ecclesiæ universalis Bonum, sic quatenus istud ab Episcopis in unum collectis determinatur, ejus observandi debito tenetur Summus Pontifex, itaque subjacer Episcoporum Concilio, præsentim Generali.

Responsio.

A uthor Regalis sacerdotij cit. §. 15. n. 5. respondet ad illum Apostoli textum, Episcopum quolibet, dum propriam, & particularem Ecclesiam regit, hoc ipso & mediante regere Ecclesie membra, Bono & regimine partium cedente in Bonum ac regimenter: sicut bonum & malum unius membra est etiam bonum & malum totius corporis: & tamen omnium membrorum, ipsiusque corporis motus & directio à Capite pendent, unde & influxum & spiritus, motumque accipiunt. Ergo & Papam & Episcopos regere Ecclesiam, sed ictos ut membra, illum ut Caput: ictos regere particulares Ecclesiæ, illum totam & universalem Ecclesiam.

Reflexio.

A lia habenda est ratio Boni publici universalem Ecclesiam completestis, sub quâdam extensâ in unum collatæ jurisdictionis Episcopalis universalitate, coalecente vel ex Christiani orbis Episcopis intrâ Generale Concilium aggregatis, vel ex ictisdem, quâ unius Corporis mystici, nempe Ecclesiæ sanctæ Hierarchis collectivè sumptis, vel ex ictisdem sub munera sui intrisco fine, universale Ecclesiæ Bonum respiciente, ad se invicem comparatus.

Sub

Sub eismodi adeo consideratione, si universi ex orbe Christiano Episcopi conspirent in aliquo decreto, quod uniformiter judicant, esse de Bono necessario Universalis Ecclesie, tenetur ipsemet quoque Summus Pontifex illi se conformare, non equidem in vi iurisdictionis Episcopalis, ex toto Christiano orbe in unum collatæ, atque ad unum Ecclesie Universalis Bonum, quæ necessarium sibi vobis conspiciantis, sed ex altiori Divini Juris obligatione, sui muneri Oecumenici curæ pastorali incumbente; sicque adeo potest ex hoc Papa quidem dicti subjectus Juri ejusmodi Divino, non autem illi Episcoporum, quantumvis Generali Concilio. Nam ut isti esset quædam super Papam superioritas, oportet, eidem inexiste-re non illam duntaxat extensam jurisdictionis universalitatem, sed deberet habere super-eminentiæ intensivæ majorem autoritatem, super ipsum etiam Ecclesie Caput protensam, in vi cuius ita posset obstringi Papa, ut ex ejusdem præcepto specifico, non ex trans-cendentia duntaxat Divini Juris obligatione altiori teneretur obdere, id conformando rei præcepta. At quia Christus Iohannes 21. dixit Petro, ejusque Successori: Pase oves meas, pas-te agnos meos, iplos adeo Episcopos, lequitur, non his erga Papam, sed isti erga illos eis au-thoritatem præceptivam. Ex illa igitur exten-sa Episcoporum, ex toto Christiano orbe suas universas iurisdictiones, pro Communi Eccle-sie Bono, in unum conferentium universalitate, nulla resultare potest majoritas superioritas supra Papam protensæ.

CONCLUSIO.

Concilio Generali, quæ acephalo, id est, sine Papa considerato, nulla est supra Papam superioritas, sed huic econtra est authoritas superioritatis erga tale Concilium.

Explicatur. Ad hoc perspicaciū intelligendū, lubeat corpus humanum à suo capite præscindere non physicā separacione, sed mentali abstractione. Sub ejusmodi igitur præcisione mentali, multas in humano corpore vitales seu vegetativas, seu sensitives tum cordis, tum hepatis, aliorūm membrorum functiones deprehendimus, quæ non sunt in capite, sicque adeo cum illo collatæ, faciunt quædam extensi-vam majoritatem ultra proprias functiones, à quibus ista quoque vel maximè, & ut plurimū necessariò dependent. Quæ tamen capi-tus quoq[ue] sui conservationem, & in ordine ad functiones sibi proprias, a reliquis humani corporis membris, corde præcipue ac hepate dependentia, nullam in ejusmodi humano cor-pore, præcisè spectato, super caput importat su-perioritatis quasi gubernativa rationem, quin potius regimen quoddam tenet super totum corpus humanum, ejusque membra, ac fun-ctiones istorum, saltem quoad medium aliquis directionis ac moderationis in eas in-fluxum. Sic proinde, si Ecclesie Corpus hie-

rarchicum consideremus secundum quādā Capitis ac reliqui Corporis hierarchici in Con-cilio Generali coadunati præcisionem, & se-cundum aliquam inter se collationem, verifi-catur equidem, quod Summus Pontifex Ec-clesie Caput indigeat membris hierarchicis, Episcopis à Spiritu sancto positis, ut regerent Ecclesiam Dei. Quæ indigentia spectat tum Episcopos sigillatim spectatos, quæ diveritarum Dicæeon Rectores, quas impossibile foret ab uno Pastore ad sufficiētiam gubernari, tum Episcopos collectum in unum Generale Concili-um coadunatos, quorum Episcopales juris-dictiones jam faciunt aliquam superius exposi-tam generalitatē extensivam. Quæ etiam ex-tensiva Corporis hierarchici universalitas est necessaria, ut Caput ipsum, Summus Pontifex, potiri possit prærogativā ultimata & con-summatæ infallibilitatis, per Christum repro-missæ, & annexæ Capitis, unā ac reliqui Cor-poris hierarchici intrā Concilium Oecumeni-cum coadunati contineat. Ex qua etiam infal-libilitatis prærogativā Capiti Ecclesie accrebit majoritas quædam intensiva, quam tam en-superius demonstravimus, non importare proprie-dictam superioritatem, neque Concilio, quæ acephalo, id est, sine Capite considerato, sed utriusque collectivè sumpto esse Divinitus repro-missam. Quemadmodum igitur corpus hu-manum secundum abstractionem mentalem à Capite præciliū, nihil habet super istud supe-rioritatis, sed capitis econtra est quædam su-per reliquum corpus gubernativa superioritas; sic rem se habere in Capite collato ad Ecclesie hierarchicum Corpus, seu Concilium Gene-rale, quæ acephalum sine Capite consideratum, ostendemus in subsequentibus; hic equidem per retorsionem argumentorum ex parte adver-saria allatorum, postea vero in §§. subsequentibus per directas ex sacris Litteris probationes.

PROBATIO I.

In qua fit retorsio primi Adversariorum argumenti.

E Tenim Concilium Hierosolymitanum, de quo fit mentio in præinsinuato Adversario-rum arguento: quantumvis non fuisset ma-terialiter Generale, extitisse tamē Oecume-nicum, & formaliter universale, ex eo evinci-tur, quod vicario Christi nomine, Pontificiæ au-thoritatis proprio, fuerit coadunatum: Chris-tus autem Matthæi 18. cap. Concilium formaliter Oecumenicum asseverarit, subsistere, obi duo, vel tres in nomine suo, nempe vicaria suā au-thoritate Apostolicā congregarentur. In hoc igitur Concilio Oecumenico, quis Catho-licorum negabit, Petrum ibi præsentem, exti-tisse Caput Ecclesie? Hoc autem supposito, quis Catholicorum negare ausit, Capiti Eccle-sie intrā Concilium Oecumenicum convenire officium præsidentis? Hoc igitur præsidentiæ munus in eo Concilio à Petro exercitum, præ-ter ea, quæ in præcedentis §. n. 16. deducta sunt, demonst-ratur. Etenim is ex Apostolis tanè Præsidis munus in Concilio subit, qui quæsto-

nis ibidem definienda, conquisitione magnâ à Cœtu factâ, primus taliter definit, ut cæteri Apostoli in ejus sententiam uniformiter descendant. At legensi lacrum textum cit. cap. 15. Ador. perspicue constabit, magnâ prius conquisitione circa propositam controversiam factâ, Petrum surrexisse primum, & taliter definitissimè questionem, ut cæteri Apostoli (ibi præsentes) omnes in ejus sententiam descenderent. Et hinc, et si Petrus, quamdiu conquisitio fiebat, non fuerit primus locutus, fecis tamen, ubi deuentum est ad definitiōnem, in qua Prima debentur Præsidi: neque huic muneri derogatur, licet Paulus, Barnabas, & Iacobus post Petrum locuti fuerint non aliter, quām à Petro jam definitivè pronunciatum erat, sicquæ Iacobo Petri sententiam ex Divinis Oraculis comprobante, ad Antiochenam Ecclesiam scribendum, adeoque executioni demandatum fuerit.

23. Quemadmodum igitur Regis in Comitijs Regni sui generalibus præsidentiæ nihil derogat, quod, ubi Ordinum consilia & vota sunt collecta, decernat ex Regiæ Majestatis autoritate, indeq; verò Regni primus Cancellerius Decretum scribendum demanderet, sic neque præsidentiæ Petri officere potuit: quod Iacobus Apostolus Urbis Hierosolymitanæ, in qua celebrabatur illud Oecumenicum Concilium, Antites in via executionis judicarit, non esse per Legalis (conformiter definitiōni jam factâ) inquietandos, qui ex Gentibus converterentur ad Deum, sive ad eos scriberetur. Quia igitur neque Corporis physici, neque hierarchici, à Capite seorsim spectati, potest aliqua supia Caput, in Concilio Oecumenico præsidis munus subire confuetum, esse Superioritas, idcirco ex præallegata Concilij Hierosolymitani normâ evincitur, non Synodus præcisè sine Capite spectatam, supra Papam Petri Successorem, sed hunc erga Concilium, quâ acephalum habere Superioritatem.

PROBATIO II.

In qua fit retorsio secundi Adversariorum argumenti.

24. Si namque in publici Regni alicujus, cuius Rex est Caput Monarchicum, Comitijs convenient Status universi, in certos distincti Ordines, tunc euidem in unum conferantur universa Regni gubernativa, ex ipso Rege seu mediate, seu immediate derivata potestates, in ordine ad consulendum publico Regni Bono, ad quod ex intrinseco suo fine transcendentali ordinantur cunctæ particularium regiminum jurisdictiones civiles, ac politica. Et hinc ad Regiæ Majestatis supereminentem dignitatem sit quædam extensio cuiuspiam, Bono publico perquam profixa, majoritatis accessio, qua tamen supereminenter, quoad intensiâ alicujus majoritatis superiori excellentiam, continetur universum in ipsâ Regiæ Majestatis præcelentia: nec adeo dicere fas est, Comitia Regni esse supra Regem, si hic sit Monarcha, sed hunc esse supra Comitia.

Pari proinde ratione, si universæ, cunctorum etiam totius orbis Christiani Episcoporum, jurisdictiones intra Concilium Generale aggregarentur in unum, cum suo ad Universale Ecclesiæ Bonam ordine transcendentali, inde quidem resultaret extensio quædam majoritas, publicæ Ecclesiæ utilitati, ac regimini universalí accommoda, & utilis, ut propterea Pastor Oecumenicus in publicæ Ecclesiæ necessitatibus obstringatur ad talem Generalem convocationem, autoritate Christi Vicariæ indicandam, Nihilominus tota illa ex jurisdictionibus Ecclesiasticis in unum collatis resultans extensio majoritas, supereminenter continetur in Oecumenica Papæ autoritate, ex qua cunctæ reliquæ inter Episcopos dispergitæ jurisdictiones eatenus derivantur, ut earundem consortes, cœ Agni Christi, etiam collectim spectati, semper subdantur Oecumenico Summi Pontificis Palatrali officio, atque adeo universorum Episcoporum jurisdictiones sic in unum collatæ, secundum intensiâ majoritatem, ac superioris ordinis, Capitis scilicet propriam præminentiam, superexcedantur à Pontificiâ autoritate, utpote cui super quoquaque in terris ad regnum cœlorum seu militans, seu triumphans ordinabili Morali competat indefinita ligandi & solvendi potestas. Et licet Concilio Generali, quia formaliter Oecumenico, una cum Capite spectato, ex Matthæi 18. peculiarius adhuc promittatur ligandi & solvendi autoritas universalis, hæc tamen nequit major & universalior esse, ac illa, qua soli Petro, eisique adeo Successori Pontifici Romano Divinitus competit, nec adeo Concilium etiam quâ Oecumenicum, una cum Capite spectatum, potest habere majoritatem jurisdictionis, seu superioritatis erga Papam.

Objectio.

Dices. Authoritatem Conciliorum probari peculiariter ijs omnibus Scripturæ locis, quibus Ecclesiam circa fidem errare non posse, demonstratur. Cum enim Concilium representanter Ecclesiam, necessum esse, ut, sicut Ecclesia, ita & Concilium ab omni erroris circa fidem periculo absit, in quâ adeo infallibilitatis omnimoda & consummatæ prærogativâ Concilium supereminere Papæ solitarii spectato.

Responsio.

Tanto euidem honore dignatus est Christus suam Ecclesiam, atque adeo Concilium ejusdem representativum, ut tali consummate infallibilitatis in fidei dogmatibus decidendis prærogativâ superemineat. Atamē sicuti Ecclesia absolute sumpta, nequit intelligi sine Capite, sic neque Concilium, quâ Universalis Ecclesiam hierarchicū representans, est intelligibile, quin informatum sit Oecumenico Christi Vicario charactere, Summi Pontificis proprio, cuius proinde per suum personalem consensum ad Concilij dogmaticas sanctiones accessio est prorsus necessaria, ut ille obire.

tineant omnimode & consummatae infallibilitatis prærogativam; veluti multis dictum est in antecedentibus. Et hinc Concilium, quæ ipsum Papam, ejusque ex Apostolicæ autoritatis charæctere profuentem consensum subficiat includens, habet quidem aliquam majoritatem consuñatae & ultimatae in Ecclesia circa fidei dogmata infallibilitatis, atamen ista majoritas non est jurisdictionis, sed præminentia cuiuspiam super Spiritus sancti, ac Christi infallibili assistentiâ fundata, nec adeo exinde quædam Concilij non jam acephali, sed quæ plenè etiam Oecumenici superioritas, seu jurisdictionis majoritas est adstruenda; uti in præcedentibus ostensum fuit.

S. IV.

Nostratis sententiæ argumenta, ex Antiqui Testamenti sacris Litteris perita, cum aliquali super ijs reflexione referruntur.

ARGUMENTUM I.

Ex Deut. 17. capite.

2. IN hoc namque sacro texu decernitur, ut causæ difficiles ex Veteris Testamenti legibus judicialibus decidenda, in quibus variabant portæ seu tribunalia læctoria, deferrentur ad Sacerdotes Levitici generis, & ad Judicem, qui judicarent judicij veritatem interpretando, & ad causæ controverla latum applicando ius, Divinæ judiciali lege contentum. Hi ergo sacerdotes cum iudice, nempe Summo Pontifice in loco Sanctuariorum congregati, conficerant Ecclesiasticum Veteris Testamenti Concilium, in quo præsidebat Summus Sacerdos, sive ejus vicarius. At in hoc Concilio sententiam definitivam spectasse ad Summum Sacerdotem, evincitur ex cit. Deut. 17. cap. v. 12. ubi sic habetur. *Qui autem superberit, nolens obediere Sacerdotis imperio, qui eo tempore ministrat, & Iudicis decreto, morte moriatur.* Pari ergo ratione in Conciliis Nova Legis spectat ad Summum Pontificem, ejusve Legatum, proferre definitivam sententiam. Atqui in Conciliis Oecumenicis hæc ipsa prærogativa in Summo Pontifice præsidentia, ac potestatis in Concilio Oecumenico sententiam definitivam proferendi, importat quædam superioritas supra Concilium majoritatem. Ergo Papa dicendus est, esse potius supra Concilium, quam ut istud dicatur esse superlatu Papam.

Exceptio partis Adversæ.

2. Exsistunt fortassis Adversarij. Quemadmodum, telle Abulensi q. 4. in cit. cap. 17. Deut. Veteris Testimenti Sacerdos Suimus, tanquam Praeses, nomine & consensu Concilij proferebat sententiam, sic in Novi Testimenti Conciliis Oecumenicis seu Papam, seu Legatos Summi Pontificis nomine totius Concilij ex suffragijs Patrum definire ac decernere; uti

praxis docet, conformiter praxi Concilij Hierosolymitanæ art. 15. delcripti, ubi non Petri folius, sed totius Synodi Oecumenicæ nomine noscitur fuisse latum decretum sub hoc tenore: *Vixum est spiritui sancto, & nobis &c.* At quemadmodum inepta foret consequentia, quæ Dux v. g. Venetorum ex eo, quod nomine totius Senatus proferat sententiam definitivam, inferretur, esse superior toto Senatu, quin potius hic dicendus sit illo major, sic ex illo argumento haud concludi, Papæ supra Concilium, sed hujus potius supra Papam superioritatem, seu majoritatem, cum revera quæque minor dicendus sit illo, ex cuius nomine & auctoritate exercet judicium, seu profert sententiam judiciarum. Quamvis proinde Deut. 17. proclameret reus mortis, qui non obedierit Sacerdotis (non Concilij) imperio: hoc ipsum tam imperium nomine ac vice totius Concilij Ecclesiastici à Summo Sacerdote latum, non reducebatur in istum, nisi quatenus erat repræsentans totum Concilium, siue adeo hujus præminentia debebat in ipso fuisse repræsentata. Pari igitur ratione Concilio Oecumenico per se, vel per Legatos suos præsidents, ita nomine Concilij profert definitivam sententiam, ut illud sit repræsentans, Divo etiam Augustino inculcante, quod Papæ summa prærogativa competat ipsi, quæ repræsentant Ecclesiam.

Responsio.

A D præadductam exceptionem confutandum, apprime conductit, explicare, quo modo Petrus, ejusve Successor dici possit repræsentasse Ecclesiam. In hunc finem Author tract. de libertatibus Gallicanæ Ecclesiæ lib. 5. cap. 11. n. 4. distinguit tria repræsentationis genera. Primum enim unum repræsentat aliud tanquam nudum signum, rem significatam nequam continens, quales sunt v. g. picturae, aut quæ metaphorice de alijs dicuntur. Secundum, aliquando, quod repræsentatur, cum eo, quod repræsentatur, communicat, sed pro sua tantum ratâ portione: ut dum particolare Communitatis membrum, totius Communitatis nomine pecunia summam in singulos cives distribuendam accipit, ita totam Communitatem repræsentat, ut beneficij universitati concessi, tanquam unum ex ejus membris, participes etiam sit. Tertiò, aliquando unum aliud repræsentat tanquam illud sub se habens, ut Princeps, Dux, Paterfamilias, Pastor, aut alterius generis superior, Regnum, exercitum, familiam, alioive inferiores, quibus communicaunt aliquid bonum dispensationi sue commissum; ut cum Dux totum exercitum repræsentans, accipit a Rege in præmium reportatae insignis victoriae, cujus ipse pars maxima fuerit, ditissimum aliud munus, cojus tamen participes futuri sint reliqui, tum Officiales, tum milites, prout ipse, penitus cuiusque meritis, judicaverit, aut prout Princeps ipse ordinaverit.

Primo duntaxat modo Ecclesiam à B. Petro repræsentatam fuisse, nemo dixerit. Quis enim ita despiciat, ut Apostolum illum nullam

H h 2 sibi,